

مشتاق

مطبعه و محل اداره :

جغال اوغلنده امنيت
صندوغى جوارنده
شنكول يقوشنده
۲۵ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاسیاندریه و بالخاصه احوال و شئون اسلامیه بحث ابرو هفته ده بر نشر اولنور .

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

آبونه بدلی

سنه لکی	التی آیانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

آلتنجی جلد

۱۸ جمادی الآخره پنجشنبه ۲ خنیزان ۳۲۷

عدد : ۱۴۶

بر خصوصیت بسیار . چونکه عثمان مافوق‌الدین صوغوماز ، دشمنه اویشماز بر خصامت‌دهدر .

برکون کندى مانعه‌سندن بر نفر اونباشینی یوز باشی به شکایت ایتش و کوردیکی معامله به عثمانی ده شاهد طومش ایدی . فقط عثمان بو شکایتدن ، بو شهادتدن متأثر اولمش ، یوز باشیسنک حضورینه حیا‌سندن آغلیه‌رق چیقمش ایدی . حربده دائماً کولان ، باشی دیک طوران ، کیفندن صیحه‌لر قوپاران عثمان ؛ بودیوانده باشی بوکوک ، دلی طوتوق ، کوزی یاشلی ، دوداقلری تیره‌یور ایدی . اسبابی صوران یوز باشی به عثمان تیره‌ک صداسیله جواب ویردی :

« مافوق حضورینه چیقارلق بر نفر ایچون آغر بر شیدر . ولوکه شاهد صفتیله اولسون ! مادامکه مسئله بر نفرله اونباشی آراسندهدر ، مادونه مافوق آرمه‌سندنهدر ؛ پک آحیدر . آچلمش بر اولاد ایله بابا آرمسی کیدر . اونباشیمز بیوک قرداشمیز ، آغامز ، بابامزدر . البته قصورلرمن اولیورکه بزی تأدیپ ایدیور . بر بابا اولادینی هم دوکر ، هم سدهر . کاشکه بوسبيله حضورکزه چیقمیه . ایدمه اونباشم بنی هروقت تربیه ایده ایدی . » دییوردی .

اشته جهالندن ، صافیتندن دکل ، صرف عکرلکه ، انضباطه رابطه‌سندن ، صلابتدن طولای عثمان ؛ عسکرلک اوغورنده حقسز بر آجیدن دخی طاد دیواردی .

عثمان دائماً بشوش ایدی ، مکرم ایدی ، خلوق ایدی ، تمیز ایدی . آرقداشلرینک اهل ایتدیکی ایشاری بلا منت کندیسى یاپار ، بشقه‌لرینک انغاریه‌سنی بلا قید و شرط کندیسى چکر ، هیچ کیسه‌یه آجی سوز سویله‌مز ، هرکسندن اويسال کورینور ، معاشنی مسافرلرینی آغریه‌رق صرف ایدر ، اک بیوک ذوق عالمی ممنون ایتکدن عبارت ایدی .

عثمان ، بتون معناسیله عقیف وهر درلومساویدن مصون ایدی . بتون موجوداتک عرضی ، ناموسی ، قوی وضعفک حقوقی ، جان ومالی صانکه آکا امانت ایدی . کندیسى بشقه‌لرینک منفعتی ایچون یاشاردی .

عثمان ، تهاکلی بر مأموریت ایشیدنجه کیفندن سودای فداکاری ایله تتر ، اگر تهاکلیه کیدن مفرزه‌یه‌الحاق ایدلرزه ، ییز ، ایچمز عصی بحرانیلر ایچنده قاورولور ، بو آکا اک بیوک جزا اولوردی .

عثمانه ؛ اک یورغون ، او یقوسز زمانلرنده اک یوروجی ، اولدوریجی بر وظیفه امر ایدک ؛ بتون شطارتیله قبول ایدر ، عثمان حربده دوکون دینه ؛ تقیه ، سفره شتلاک دییه کیدر ؛ جانی ، مالی کندندن بشقه‌لری ایچون صرف ایده‌جک فرصت آرار ؛ بر مرد اوغلی مرد ایدی . مردلکینه خصم‌لری ده حیران ایدی . اعلان حریتی متعاقب استیمن ایدن چته‌لردن برنجیسی استیمن ایچون یالکیز عثمانی ایسته‌مش . وپرشوق بو دعوته قوشان عثمانه چته شتلاکلر ، ضیافتلر یایمش ایدی .

عثمان طبعاً معصوم ایدی . اک بیوک ذوق چزمه‌سی بوینده‌کی

کوچک چوچقلرله ساعتلرجه اویالانمق ؛ آنلره شکر آلمق ، آنلره هم‌حال وارقداش اولمق ایدی . اک مداوم احبابی ، اوچ یاشنده سیفاه نامنده بر عسکر اولادی ایدی . قره‌غولنه بتیشیک‌خانه‌سندن عثمان بونی قاپار ، مساعده زمانی طاوله‌ده ، قغوش‌ده بو معصوم ایله کچیردی .

اشته عثمانلیرک نجیب ، خالص ، عسکر اولادی ؛ قوجه برعثمان ! اشته اولو اجدادمنک حقیقی وارثی ؛ حفید و شبیهی بر ارسلان ! سلامر ، مرحبالر ، تحسینلر سکا ای وطنک اوز اولادی قهرمان عثمان ! *

عمر فوزی

[*] بو نفر عثمان یقینده ارزنجان ژاندارمه‌طابورینه نقل ایتش کیدیوردی کچرکن اوغرامشدی . نرویه کیسه‌جکنی صوردم . آناتولی به دیمشدی . چونکه عثمان ابونینی اوزله‌مش ، دعالرینی آلتی امل ایدمش ایدی ، عثمانک کوکسندمه فداکارلنک یکانه‌مکافاتی اولان افتخارمدالیه‌سی احتشام ایله طورییوردی . قورداسنک رنکی کونشدن ، سفردن اوچمش؟ ضرر یوق ! دییوردی . بو مدالیه آلتنده فقط بشقه بر یورک چاریور ؛ بشقه بر کوکس قبارییوردی .

ع . ف

جدی دوشونجه‌لی محترم قادینلرمنک تربیه‌اناث حقنده‌کی افکار و مطالعه‌لرینی کوسترمک اوزره « سنین » رفیقمره کوندربیلن و شایان دقت و اهمیت مندرجات عالییه‌بی محتوی بولونان شو مکتوبی نقل ایله ملت اسلامیة نامنه بیان افتخار ایدرز :

تربیه‌اناث اطرافنده

قادینلرک لزوم تعلیم و تربیه‌سی همان عمومیه یقین بر اکثریت منوره طرفندن او قدر قطعیته قبول و تصدیق ایدمش بر حقیقتدرکه بونایده بسط مقالی زائد کوریورم . اساساً مقصدمده بودکلدر . مادام که بوکون هیأت اجتماعیه ایچنده قادینلرک اک مهم واک معتنا وظیفه‌سی هرشیدن اول ای بروالده اولمایدر . بوکون موجودیت عرقیه‌مزی تهدید ایدن انحطاط اجتماعینک اوکنی آله‌جق اک قطعی موثر ، وطنه متشبث و فعال بر عنصر قیمتدار یتیشدیرمک ، نسل آتی بی « به‌داغوزی ، وپس‌یقولوزی » نک ایجابات فیه‌سنه توفیقاً تجدید و اصلاح ایدره‌ک احیا ایتک اولنجه ، بالخاصه بزم مملکت‌مزرده قادینلرک وظایفی برقات ده‌ا کسب اهمیت و نزاکت ایدر . حتی دیه‌بیلیرم که بو بزم ایچون بر حیات و عمت مسئله‌سیدر . اصلاحات حقیقیه‌یه اک اول قادینلریمزدن باشلامق لزوم و حقیقتی تسلیم اولندقدن صوکره اونلر حقنده تطبیق اولنه‌جق اک معقول واک مفید بر طرز تربیه‌بی تحری ایتک مسئله مهمه‌سی قارشیدنده بولنیورز . هیچ شبهه‌سزدرکه قادینلره تحمیل ایدیلان وظائفک ، موقع اجتماعیلری و مقتضای خلقتلریله متناسب اولمسی اقتضا ایدر . تربیه‌اناث حقنده تعقیب ایدیله‌جک میخانیکیتک متمر و مفید اولمسی ، آنجق احتیاجات اجتماعیه‌یه توافق ایتسیله ممکن اوله‌بیلیر . یوقسه ، منتسین فن اولنلریله ارباب صنعتی - اوتوز میلیونک اکثریت عدیده‌سی نظر اعتباره آلنجه - هنوز

قادینلر مژك درین بر اشتیاق عرفانه ترجان اولان فریادلری ، ارککلر مژك بارد لاقیدیسی قارشیشنده محكوم سكوت قالیوردی . فی الحقیقه اعلان مشروطیتده تربیه اناثه دائر بر قاج مقاله بعض غزتلرک بعض ستونلرینی اشغال ایتشدر . صوکره بونی اوج سنه امتداد ایدن بر دوزة سكوت ولاقیدی تعقیب ایندی . نهایت درین بر ظامت ایچنده ضعیف بر شعله کی آره صره بحث اولسان « قندیلی » دهکی مؤسسسه یه دائر بر تشبث مهم شو صوکره کونلرده بر شکل قطعت اکتساب ایدیور . مجلس مبعوثان مژك رئیس فاضل ومحترمی ماضیده کی سلسله مجاهداتی بو صوکره وعظیم موفقیتله تنویم ایتش اولدی . بوتون عثمانلیق کنیدلرینه مدیون شکراندر ، عجبابو مؤسسسه نه کی بر پروگرام تعقیب ایدیله جک ؟ هنوز بوکادائر غزتلرده اطرافلی بر تفصیلاته مصادف اولمادیق . هر حالده مملکتک احتیاجات حقیقه یه یله متناسب معقول وفی بر پروگرامک اساساتی احضار ایدلشدر . امید ایدهلم که موفقیتله تطبیق اولونه یلسون . فقط معلم ، مربی لر نصل وزه دن تدارک اولنه جق ؟ بزده هم مربی هم معلم اوصافنی حائز ذوات مقتدره احتیاج واقعه کفایت ایده جک درجه ده میدر ؟ بونلرک تدارک وانتخابنده نه کی اوصاف آرائشی ایجاب ایدر ؟ بونلری بشقه بر مقاله یه بر اقیورم .

تزییه مخلص بیوک آله

صاحب عفت امرات اسلامیه نك انظار رفتنه :

ژاپون قادینلری ده ترقیات وتکملات نسوانیه یه ساعی اولدقلری ، آرله رنده بو مقصدی تأمین ایچون بر جمعیت تشکیل ایتش بولوندقلری حالده حوزه سیاسیه داخل اولق ایسته مدکاری کی ارککلرک درعه ده ایتش اولدقلری ایشله قاریشمق آرزوسنی ده کوستر میورلر . دانیمارقه قادینلری طرفندن ، قادینلرک حق انتخابه مالک اولسنه چالیشان فه مینیستلرک عقد ایلدقلری بین الملل قونفریه اشتراک ایتلری ایچون ژاپون قادینلرینه مراجعت ایدلش ، ژاپون قادینلری ده شویله جواب ویرمش : « بز چو جتلیمیزی تربیه ایتک ، حقیقه و طپره بر صفتنه لایق اوله جق ، وطن عزیز ی فداکارانه مدافعه ایده جک اولاد یتشدر مکه مشغولز ، پولتیقه یله اشتغال ایتکه وقتمز یوقدر . »

شون

امام المسلمین مشهد خداوندکارده

اسکوبدن دارالخلافه جرائد یومیه سنه یازیلور :

بوکون (۳ حزبران ۱۳۲۷) عثمانلی تاریخک خاصه ، تاریخ اسلامک عامه صحائف شان آوری آره سنده شهسز اک بالاترین بر موقعی احراز ایده جکدر .

زیرا اوتوز میلیون عثمانلیک پادشاه معالی پناهی ، اوچویز میلیون اسلامک خلیفه دیانتشاری بوندن بش عصر اول اجداد عظامندن بر شهریار

مفقود دینیه جک وزی بر چوق سنه لرد ها لک عادی برایش ایچون آوروپیه آدم سپارش ایتکه محبور ایده جک درجه ده فقر عرفان ایچنده ایکله ین محیطم زده ، قادینلرک مهندس ، کیمیاکر ، دوقتور ویا آووقات اولملرینی تأمین دکل ، حتی تمی ایتک قدر جنت تصور اولنه مز . بزم وظیفه مز ای بر والده ، ای بر زوجه ، والحاصل ای بر او قادینی اوله رق سعادت عائله یی تأسیس ایتک ، وطنک محتاج اولدینی کنیدسنه جدأ خادم اولادلری یتشدر مکدر . ایشته بو غایه یی نظر اعتباره آله ج قادینلره ویرلمی لازم کلن تربیه نك شکلی کنیدلکندن تعین ایدر . سعادت عائله یی نصل تأسیس ایتلی ؛ نسل آتی یی نصل یتشدر می ، بو وطن نصل اولادله محتاجدر ، بونلرک هربری باشلی باشنه بر سلسله مقالات تشکیل ایده جک قدر حائز اهمیتر ... جهالت ، بوملتک باخصوص ترک عرفنک فیض حیاتی اهرک مهیای انکشاف دوران بتون قابلیت نصل عقیم بر اقدیسه یاریم یا کلش بر فرانسزجه ایله مربیه نامنی طاقینان بر طاقم قادینلرک یتشدر دکری کنج قیزلر بونلرک انسانی ، بوملکت وبوملت ایچون او قدر مضر ووخیم اولدی . بز یالکزر جهالتله بو حاله کلدک . هضم وتمیل اولنه مامش بر غرب تربیه سیله ملیتدن تجرد ایتش زواللر کوزمژک اوکنده طور ییور . انحطاط اجتماعم زده بو « Dégénérées » لک بیوک بر دخلی اولدینی انکار اولونه ماز آجی بر حقیقتدر . فرانسزجه ، انکلیزجه اوکر نیمه لم دیمورم . غرب مدنیتنده بیگانه قاله دیمورم . آوروپانک ترقیاتی مملکت مزه ادخال ایچون دها بر چوق سنه لر کرک قادینلر مز وکرک ارککلر مز ، هیچ اولمزسه بر اجنبی لسانی او کرنک احتیاجندن مستثنی قالا مزلر ، بز بولسانلری ، آوروپایی سطحی بر تقلید ایچون دکل ، فقط ترقیات فیه سنی وتطبیقات فیه دن عبارت اولان مدنیتی ، او مدنیه بر شکل ملی ویره رک اخذ واقتباس ایچون اوکر نه لم . فنه آغوش قبولمزی ، آتشین بر اشتیاقله آچهرق فیض حیات آله جفز . فقط سجایای عرقیه مز ی تهدید ایدن خلل وفساددن صیانت ایده رک موجودیت عرقیه مز ی ادامه ایچون ده ملیت واعتقاد اتمزی تحکیم وتأیید ایده جکر .

کنج قزلر مز ملیت واعتقاداتنه صادق ، متین ، عزیمور و متشبث ، غربک بتون ترقیات فیه سیله مجهز اولادلر یتشدر بیه جک کزیده برر والده ، خانه نك امور داخلیه سنی بر حکومت منتظمه قطعیتله حسن اداره ایده بیه جک انتظام پرور برر او قادینی ، سعادت عائله یی تأسیس ایده رک ارککلرینی مسعود وختیار ایده جک خلوق وصادق برر زوجه اولقله ، شرائط حاضره اجتماعیه نك کنیدلرینه تحمیل ایتدیکی وظائفی ایفا ایتش اوله جقلدر .

شیمیدی یه قدر قادینلر مز هیچ برشی اولقله موفق اوله مدی . بو قدر محرومیت وفقدان وسائط ایچنده نه اوله بیلیرلردی ؟ تربیه انانی درعه ده ایدن مؤسسات عالییه ی میدانه کتیرمک رجانزه ترتب ایدر . چونکه وطنک سعادت وفلا کتنده قادینلر قدر ارککلرده علاقه داردر .